



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1603

Martyrivm SS. Mennae, Hermogenis & Eugraphi: Ex eo quod est apud C. Baron. Paßi sunt anno Christi 307. Marcelli Papæ 4. sub Maximino Imperat. Alius est hic Mennas ab eo de quo suprâ 3. Idus Nouemb.

urn:nbn:de:hbz:466:1-42787

al. Mene. MARTYRIVM SS. MENNAE, HEB-
mogenis & Euyraphi: Ex eo quod est apud C.
Baron. Passi sunt anno Christi 307. Marcellus
Pape 4. sub Maximino Imperat. Alius est hic
Mennas ab eo de quo supra 3. Idus Nouemb.

*Vide Tom.
3. Annal. C.
Baron.*

10. Decēb.

CVM Diocletianus & Maximianus se-
dem ab eis Romæ, Constantinus autem
Gallijs, Maximinus verò Orienti Imperatores
præfecti fuissent, ingens repente ab ipso Maxi-
mino & sequa admodum tempestas in Christiani-
nos excitata fuit. Quo tempore illustris sancti
martyr Mennas ex Aegypti Præfecto Augusta-
li, martyrium consecutus est. Hic patria Athe-
niensis, Ordinis Senatorij, ob incredibilem
quandam in rebus gerendis prudentiam atque
solertiam, domi fortisque spectatus, Impera-
tori intimus erat, & cum Christianum
occultè ageret, nè id illi innotesceret, se-
dulo studio procuravit. Accidit autem op-
portunè sanè, vt cum causa Christianæ reli-
gionis Alexandrini grauitè tumultuarentur,
ad eos compescendos atque in officio conti-
nendos, Augustali tunc Præfectura ab Impera-
tore auctus Alexandriam mitteretur: qui mi-
ra quadam, qua pollebat in maximis negotijs
obeundis, dexteritate & aptitudine Alexan-
drinorum animos composuit; sibi verò eos ob
animi facilitatem, morumque præstantiam de-
uinxit, indiesque magis magisque collatis offi-
cij obligauit: vsq; adeò vt nonnullos ex illis
ad Christianam fidem capeffendam induceret,
edictisq; quibusdam miraculis, certioribus ijs,
quæ

*Patria Men-
ne & dig-
nitas.*

*Ab Impera-
tore alexan-
driam mitti-
tur ad com-
pescendos
simuliter.*

quæ olim à Vespasiano, vel Tyranõ ad conciliandos sibi Alexandrinorum animos fuissent exhibita, in quamplurimos Gentiles Christianitatem propagaret. Cum autem res eò perducta esset, ut iã in occulto ampliùs esse non posset, Maximinus literis Gentilium certior factus, ad vlciscendum facinus mittit Hermogenem Alexandriam, qui Mennæ succedat, in quem ut impium animaduertat. Erat Hermogenes & ipse Atheniensis; at licet Ethnicus, tamen, quæ secundùm optimos mores est, vitam instituerat. Hic cum venisset Alexandriam, Mennam nactum satellitio destitutũ (est enim consuetudo in AEGYPTO, ut cum proximè accedit nouus, qui ab Imperatore delectus est Augustalis Præfectus, ille prior confestim magistratum deponat) detrudi iussit in carcerem: eumque sequenti die pro tribunali sedens audiuit rationem reddentem Christianam à se susceptam religionis: non quidem temerè, sed maturè admodùm atque consultò; quippè qui antea post perscrutatas omnes Philosophorum Gentilium disciplinas, libros quoque Christianam religionis impensius legisset, & quæ in ijs essent, accuratiùs disquisisset: cum veritatis, quam in eis adinuenisset, præpotenti vi quadam permotus atque captus non nihil esset. Sic primò atque secundò auditus Mennas, etiam de Christiana fide à se suscepta paràs defensionem, Hermogenem in se acrius concitauit: qui primò (quod incomparabile tormenti genus habebatur) illius pedum plantas excoriari iussit; linguam præcidi: oculosque conuelli: sicque penè exanimem & extinctum reddi carceri.

Sed

*Miraculis
clarer, et
multos ad
Christum con-
uerit.*

*Hermogenes
ab Impera-
tore Alexan-
driam mit-
titur ut Men-
nam suppli-
cio subdat.*

*Detruditur
in carcerem
Mennas.*

*Horrendè
cruciatur S.
Mennas.*

*Penitet Her-
mogenē tan-
tā crudelita-
tis.*

Sed prudentior factus, nimiae crudelitatis, quā in Mennam tantum virum præter morem exercuisset, seipsum redarguit; atque adeo, velichrymas angoris animi indices abundantius fuderit, & quem in carcere defunctum putabat, honesto funere manè sepelire decreverit. Sed præter spem accidit, ut cum de asportando è carcere corpore militibus mandasset, ei viuere atque pristinae naturae officijs esse diuinitus restitutum audierit, testesque milites de carceris fulgore corusco numinisque presentia firmiter affirmantes, & fidem Christianam palam profitentes, atque in alios hæc admiranda adeo diffamantes expauit: reque alius contemplatus, Christi cœpit mirari potentiam eiusque diuinitatis, docente Menna, originem accuratius perscutari: diuinæque illi gratie lumine affulgente de fide suscipienda consilium iniit; quod & baptismate sacro suscepto perfecit.

*Menna di-
uinitus san-
ctus.*

*Hermogenes
ex ethnico
fit Christianus.*

Baptizatur.

Sed delata hæc cum essent per quendam Senatorem Rusticium Maximino: collapsamque penitus duorum Præfectorum opera Gentilitiam superstitionem audiret, idem ipse euestigio Alexandriam venit, Hermogenemque primo in fidei confessione perstantem, manibus ac pedibus amputatis, direque admodum verberatum vna cum Menna alijs tormentis excogitato capite truncari iussit. Sed & quidam Euegraphus olim Mennæ minister, quod coram imperatore magna constantia Christum confessus esset, ab eodē indignatione furente gladio cõfossus occubuit. Sacrum verò corpus huius Mennæ translatum est Constantinopolim: de

*Imperator
ipse Alexan-
driam venit
& vtrumque
capitis dam-
nat.*

*Euegraphus
Mennæ mi-
nister neca-
tur.*

postmodum à Iustiniano Imperatore inclyta honoratum Basilica: Teste C. Baron. in Not.

VITA PLANE ADMIRANDA S. DANIELIS STYLITÆ: Ex ea quæ est fidelissimè conscripta per Simeonem Metaphrast. Obijt anno à Partu virgineo 489. Felicis Papa 7. Zenonis Imperat. 16.

Vide Tom. 6. Annal. C. Baron.

EST vicus in Mesopotamia, vrbi Samosatorum vicinus Maratha nomine, qui Danielis Stylitæ natiuitate celebris euasit. Pater ei fuit Eliu, mater verò Martha nomine: qui filium à teneris vnguiculis sanctioribus disciplinis imbuendum curarunt. Cùm autem annorum esset duodecim tactus monasticæ vitæ desiderio, relictis parētibus, spretisque delicatioris vitæ blandimentis, clàm ad religionis asylum confugit: vbi cùm assiduo labore solidissima sanctioris vitæ fundamēta iecisset, animo maiora quotidie certamina appetens, tandē summa Præfecti sui voluntate sacrosancta loca lustraturus, Simeonem in colūna degentem, & fama sanctitatis toto orbe celeberrimum, conuenit: cuius non modò exemplo, sed etiā prophetia (vrporè qui diceret Danieli haud leuibus pro Christo laboribus exercendum) adèd ad simile vitæ genus exarsit, vt egrè se ab illo auelli pateretur.

11. Decem. Patria & parētes eius.

Confugit ad monasteriū.

Venit ad Simeonem stylitem: cuius vita habetur Tom. 1. 50. Ianuar.

Porro ad monasterium reuersus paulò post Præfecto è vitæ sublato ad regimen votis precibusque omnium vocatus fuit. At ille honorum scopulos remisque velisque, quod aunt, fugiens, clàm omnibus, se indè proripuit, & Si-

Difficiliter auelli potest à Simeone.